



JABATAN PERKHIDMATAN VETERINAR

LAPORAN LIPUTAN MEDIA

28 DECEMBER 2023 (KHAMIS)

Pemilik ladang lembu diarah henti operasi 14 hari

MEDIA	RUANGAN	MUKA SURAT	TARIKH
Berita Harian	Nasional	19	28 Dis

Pemilik ladang lembu diarah henti operasi 14 hari

Premis punca bau busuk turut sebabkan parit berhampiran tersumbat

Oleh Amirul Aiman Hamsuddin
bhnews@bh.com.my

Kuala Selangor: Pemilik sebuah ladang ternakan yang menyebabkan lebih 200 penduduk di Jalan Pak Itam, Batu 19, Jeram, di sini, resah dan tidak selesa dengan bau najis pada Jumaat lalu, diarah menghentikan aktiviti selama 14 hari.



Keratan akhbar BH, Sabtu lalu.

Yang Dipertua Majlis Perbandaran Kuala Selangor (MPKS), Mohamad Hanafie Basri, berkata walaupun penternakan dijalankan di tanah persendirian, ia tetap menyebabkan bau busuk kepada penduduk sekitar.

“Hasil pemantauan di ladang berhadapan Klinik Kesihatan Jeram itu mendapati ada bau kurang menyenangkan yang menyebabkan gangguan daripada aktiviti

penternakan kambing dan lembu.

“Sehubungan itu, Jabatan Kesihatan dan Persekitaran memberikan Notis Menghendaki Kacau Ganggu Bau Dihapuskan, manakala Jabatan Penguatkuasaan juga memberikan Notis Menghentikan Aktiviti Penternakan dalam tempoh 14 hari,” katanya menerusi kenyataan, kelmarin.

Media sebelum ini melaporkan keadaan dialami penduduk kawasan itu dikatakan berlaku berpunca bau najis dari ladang ternakan.

Ternakan diusahakan warga asing Ia dipercayai diusahakan warga asing yang sebelum ini hanya menanam pelbagai sayuran, tetapi kini dikatakan menternak lembu, kambing dan rusa.

Tinjauan di lokasi mendapati jarak rumah penduduk dengan



Air dalam parit berhampiran dipercayai tersumbat dan berwarna hitam berpunca daripada sisa najis lembu diusahakan warga asing berhampiran Jalan Pak Itam, Jeram, Kuala Selangor. (Foto Amirul Aiman Hamsuddin/BH)

ladang yang dibina tahun lalu itu hanya bersebelahan, iaitu kira-kira 50 meter.

Bukan itu sahaja, air dalam parit berhampiran kelihatan tidak dapat mengalir dipercayai tersumbat dan berwarna hitam menandakan ia dipenuhi sisa dari premis terbabit.

Dalam perkembangan sama, Mohamad Hanafie berkata, hasil pemantauan MPKS pada 30 November lalu mendapati terdapat 30 haiwan ternakan, termasuk kam-

bing di dalam kandang di kawasan tanah persendirian terbabit.

“Pada masa sama, pemilik tanah turut melakukan aktiviti penternakan ikan membabitkan dua kolam,” katanya.

Susulan itu, tindakan pihak berkuasa tempatan (PBT), pemilik tanah akan memindahkan operasi penternakan pada masa terdekat.

“Pemantauan berterusan dijalankan bersama bersama Jabatan Perkhidmatan Veterinar Kuala Selangor, semalam,” katanya.

Banjir tenggelamkan kandang ternakan

MEDIA	RUANGAN	MUKA SURAT	TARIKH
Sinar Harian	Nasional	6	28 Dis

Banjir tenggelamkan kandang ternakan

KUALA BERANG - Setelah beberapa hari bermalam di kandang kerana risaukan 14 lembu dan kerbau, akhirnya Mohd Rosli Mejas terpaksa meninggalkan haiwan ternakannya apabila gelombang ketiga banjir kini menyaksikan kandang di Kampung Pengkalan Ajal itu dinaiki air hampir satu meter.

Selepas terselamat daripada dua gelombang awal banjir, penternak berumur 55 tahun itu berkata, haiwan ternakannya kini terpaksa berendam dalam kandang yang dinaiki air.

"Hari ini (Rabu) sudah empat hari kandang saya dilanda banjir. Alhamdulillah, ternakan semuanya selamat namun saya risau keadaan mereka. Kandang saya juga selamat cuma karpet lembu sahaja dihanyutkan air.

"Petang semalam (Selasa) saya terpaksa hubungi orang kampung untuk ambil saya menggunakan bot mereka sebab bekalan makanan sudah habis dan laluan juga terputus untuk saya balik sendiri," katanya. - *Bernama*

Lembu sado dipindah tempat tinggi

MEDIA	RUANGAN	MUKA SURAT	TARIKH
Utusan Malaysia	Dalam Negeri	33	28 Dis

Lembu sado dipindah tempat tinggi

DUNGUN: Seorang penter-nak lembu sado terpaksa memindahkan haiwan peli-haraannya ke tempat tinggi dan selamat selepas kan-dang lembunya dilimpahi banjir di Kampung Durian Mentangau, dekat sini, sejak semalam.

Yusuf Mamat, 67, berkata, dia terpaksa mengalihkan enam ekor lembu sado peli-haraannya berikutan bim-bang haiwan tersebut mati dihanyutkan banjir akibat limpahan air Sungai Paka.

“Awal pagi semalam air naik hingga paras betis dan pak cik terpaksa heret lembu mengharungi air.

“Pak cik bimbang kalau-kalau air naik lagi, sebab tu pak cik alihkan lembu ini. Pak cik takut kalau lembu mati dihanyutkan banjir sebab arus air di kawasan ini agak laju,” katanya ketika ditemui *Utusan Malaysia* di sini semalam.

TERIMA KASIH

DISEDIAKAN OLEH:

UNIT KOMUNIKASI KORPORAT
JABATAN PERKHIDMATAN VETERINAR